

悲俯垂授拯恭惟

靈寶經師君

靈寶籍師君

靈寶度師君

水衡有準冰鑑無私酬獎真靈登助庸於

青簡扶持班著削過累於玄編諒返瓊與

巫旋瑤闕萬天萬地均陶玄極之仁恩一

陰一陽共固洪鈞之惠澤日無任激切感

戴之至謹奉表陳謝以聞日誠惶誠恐稽

首頓首謹言

年 月 日具位 姓 表

捲簾通真表

具法位小兆日誠惶誠恐稽首頓首再拜

上言日伏以百千萬重道炁玉相凝輝三

十六部尊經金真演教仰絳闕龍駕之御

肅玄壇駕駕之班敢被汗青首敷衷素

誠惶誠恐稽首頓首日昨據齋法弟子

乞就某處崇建某齋若干晝夜開度云開

度亡過某靈魂仰祈天澤克證生方祈禱

云為某事仰祈天澤保祐平安日職惟領

教理難抑違恭按玄科次第修奉伏念

夙依化日哲薄真風領袖群工期催朝於

禁路紀綱三洞誓演祕於瓊囊上昭煥以

乾天章下承宣而熙帝載羅敷八陞法象

九重惟三華劫仞之臺玲瓏紫霧仰七寶

家陽之關縹緲紅雲非違玉勅以階昇曷

通金闕而几奏恭惟

太上無形無名虛無自然至真大道無上元

尊金闕玉陛下

神功不宰聖化無方碧落空歌耀五文而

恢廓紫虛鬱秀分三景以開明高拱彌高

上極無上願曲張於鳳展許直造於蟠均

會慶風雲十極拱靈光之耀惠昭雨露八

遙承祖炁之輝遐邇蒙恩幽明被澤期周

流於劫石永翊戴於玄元日無任瞻天望

聖激切屏營之至謹奉表陳啓以聞日誠

惶誠恐稽首頓首再拜謹言

年 月 日具位 姓 表

太上三洞表文

太上三洞表文

破鄴都開業道章

具位 某誠惶誠恐稽首頓首再拜

上言 樛櫟散材蓬茅賤質幸緣宿慶濫

綴真班功無絲粟之圓過有淵陵之積曲

蒙涵貸未賜誅夷誓勉操脩庸期報稱既

承投告敢不聞聞謹據齋意切惟三

官九署北都羅鄴六洞十宮冥開幽夜水

火考對生死拘維茹苦終天千齡展轉雖

衆生之妄業自受而上玄之仁澤堪矜非

賴赦原曷臻超邁謹為拜章一通上聞

三天伏望慈悲曲垂矜憫特降玉清道炁

靈寶妙光煥朗十方開明九壘即俾亡故

某人暨九玄七祖億劫種親六道四生諸

類幽爽灌沐妙炁頓悟良心宿劫冤愆應

時解散謹為上請十方飛天使者十方

救苦玉童玉女上詣

三天金闕玉陛下請降元始符命金錄白

簡救苦真符告下十方三界無極神鄉天

地水官陰陽羅錄三官九府百二十曹北

極

都羅鄧內外宮洞阿鼻無間大小鐵圍十  
二河源泉曲之府九幽五嶽罪考主司五  
苦三途諸大地獄五道都府執法冥曹乘  
此符光輝明照耀鐵城摧毀苦考蠲停枷  
鎖脫除繫囚消廢爐炭銅柱化作鸞林鑊  
湯冰池悉成蓮沼灰河炮炭俱變清涼劍  
戟刀山盡為寶樹蠲炎烈火之獄爍重  
重金剛之山執對停平冤仇和釋惡根落  
滅罪籍捐除赦宥亡過其人溥及幽冥無  
鞅滯矣囚徒苦趣遂道遙帶魄沈魂各  
獲解脫更希睿旨勅下青宮開紫陽玉匱  
之函出應化慈尊之號十方流演萬品皈  
依廣開法門飛度累戶庶使善緣滂霈靈  
貺羅敷均沐生成以為效信恩惟  
大道分別求哀臣愚謹因二官直使正一  
功曹左右官使者陰陽神決吏科車赤符  
吏剛風騎置吏驛馬上章吏飛龍騎吏進  
章鳳凰騎上章雲龍騎言章風發騎御章  
神龍騎奏章飛龍飛虎騎各二人出操臣  
為齋主某拜上某章上詣三天曹伏願天

恩告報臣誠惶誠恐稽首頓首再拜

以聞 空三行

臣姓某屬州某縣鄉里宮觀某靖焚楮

空三行

太上無形無名虛元自然至真大道無上玄尊金闕七寶玉陛下

空三行

年 月 日某處拜上

右凡書章用黃紙朱書紙高一尺二寸六  
分行闊一寸二分軸宜單幅幅宜單行每  
行定排十七字前一幅指兩行空第三行  
方為章街疊書下寫臣某誠惶誠恐稽首  
頓首再拜此一行不指字看長短到何處  
住第四行寫上言字低於職銜一寸此行  
方指十七字數也自上言以下至後每行  
指字如法行上留半寸行下不通走蟻人  
姓名作一字寫不得抽破如鬼字凶字如  
死字賊字諸不佳字不得在行上頭如仙  
字人字生字諸佳字不得在行下頭寫至  
以為效信即揆云恩惟至以聞低前行一  
字與再拜相去空三行以聞後又空三行

疊書臣姓某某州縣某鄉里某宮觀某靖

焚楮須自半行寫至下其下與紙下頭相

平又空三行疊寫大道銜至玉陛下只指

書四寸三分又空三行自半行寫太歲某

年某月某日於某處拜上其下與紙下頭

相平太歲以後皆空紙矣書章不隔日填

大道銜不隔時故留某時及陛下一點及

以聞字內耳字一直筆朱填至校章時方

填也章可漏上寫大道銜具法位銜臣姓

某章奏謹封方函上寫謹謹上詣三天門

下具法師銜位臣姓某謹重封入在章銜

內章銜長一尺二寸闊一寸八分以青絲

線三度纏之其十字結處及兩頭並貼紙

印封之又入青紙方銜寫如前方銜式前

後以楸包之此封章法也

素車白馬章

具位臣某誠惶誠恐稽首頓首再拜

上言臣賦性疎迂稟資愚拙職忝司於濟

度誠敢急於聞聞實冀高真曲原狂裝臣

謹據齋意臣職惟領教理難抑違謹消今

月某日為始就其處肅建玄壇依按真科次第脩奉臣切惟九幽六洞三官北酆冥路幽關職司考對匪藉穹蒼之宣告局令部衛於形魂謹為拜章一通上聞

三天伏望慈悲曲垂矜憫特降玉清道炁靈寶妙光照耀陰鄉煥明夜府即俾亡過某入洎九玄七祖億劫種親六道四生諸類幽爽免淪苦趣各脫拘維來詣玄壇證品升度臣謹為上請素車白馬大將軍一十二人官將一百二十人九龍符命使者一十二人官將一百二十人太玄玉女一十二人官將一百二十人太玄直符一十二人官將一百二十人上詣

三天金闕玉陛下請降太上勅敎生天寶錄告十方三界無極神鄉北都羅酆泉幽之府三官九署百二十曹水火陰陽內外官洞三十六獄無間阿鼻大小鐵圍炎池水沼四瀆五嶽十二河源五帝考官六宮掾吏巨天力士執罰神兵司殺司功司錄司命主考主罪主獄主非四明賓公天

門庭長十宮六洞五帝大魔冥冷大神五道都府幽臺冥掾長夜鬼官無量陰曹咸令知委遵承今來建壇之所頒行符命侍衛送迎疾令上件亡魂眾苦蕩除出離地獄永辭幽夜親見光明黑簿燒焚業根披散參朝玄座受化更生以為效信恩惟大道分別求哀臣愚謹因二官直使正一功曹左右官使者陰陽神決吏科車赤符吏剛風騎置吏驛馬上章吏飛龍騎吏進章鳳凰騎上章雲龍騎言章風發騎御章神龍騎奏章飛龍飛虎騎各二人出操臣為齋主某拜上某章上詣三天曹伏願天恩告報臣誠惶誠恐稽首頓首再拜以聞 空三行

臣姓某屬某州縣鄉里某官觀某靖焚楮

空三行

太上無形無名無自然無其大道無上至尊太上玉皇陛下

空三行

年 月 日某處拜上

開通道路章

具位臣某誠惶誠恐稽首頓首再拜上言臣質惟蠢濁性稟顛蒙冒領玄階賈錄洪造敢竭再三之清庸慙萬一之忱臣謹據齋意臣職惟領教理難抑違謹消今月某日為始就其處肅建玄壇依按真科次第脩奉臣切慮魂魄爽識來往經由道路關津或生拘障非賴上玄之詰命局令阡陌之開通謹為拜章一通上聞

三天伏望慈悲曲垂矜憫特降玉清道炁靈寶妙光開闢幽途光明無極即俾亡故某入洎九玄七祖億劫種親六道四生諸類幽爽徑離所部來覲齋壇釋罪通幽朝真受鍊臣謹為上請太玄直符太乙使者五帝直符十天傳言騎吏玄都金龍焚龍驛吏玉龍飛龍驛吏各一十二人官將各一百二十人上詣

三天金闕玉陛下請降東華青宮九龍符命紫陽寶節五方生炁十天寶符洞朗幽陰開明長夜告下天牢地獄水府陰曹冥局土司泉曲六道北酆九壘三官九幽五

嶽十宮九州社令洞天福地考校曹僚高  
里丈人丘丞墓伯河侯河祿土下官君歲  
德尊神山林孟長泉源溪澗冥路幽關血  
食神司城隍里域社廟土地一切主曹咸  
稟天符遵依告戒除冤拔罪啓路開高釋  
赦上件亡魂整肅形儀經歷次第來詣壇  
席聽法參真傳授戒符領沾功德幽夜不  
經於險阻冥關克遂於逍遙召攝無拘以  
符效信恩惟  
大道分別求哀臣愚謹至再拜

以聞 空行法儀聖衍年月皆同前式

攝召亡魂章

具位臣某誠惶誠恐稽首頓首再拜  
上言臣控伺無識愚鈍自將冒闡明科奉  
揚妙化爰漬聖威之峻存陳愚悃之微置  
藉慈觀俯垂睿覽臣謹據齊意臣職惟領  
教理難抑違謹消某月某日為始就某處  
肅建玄壇依按真科次第脩奉臣切慮冥  
途寥廓幽路淒迷匪憑召攝之威曷顯神  
虎之政謹遵太乙神虎秘法宣告太乙玄

冥玉札神虎符命鐵跡臺光寶章建立神  
虎攝召理刻時定命追攝亡故某人洎九  
玄七祖德劫種親六道四生諸類幽爽顯  
接陽春昭現神儀謹為拜章一通上聞  
三天伏望慈悲曲垂矜憫特降玉清道炁  
靈寶妙光洞朗幽關無有空礙玉札符命  
照耀輝華冥吏幽曹丕承敬聽臣謹為上  
請北魁玄範神虎內真雄左大力統制百  
御三魂符吏衆機玉曹玄伯雌右武鸞提  
魂攝魄例生玄司飛符玉札主吏上部追  
魂使者中部追魂使者下部追魂使者追  
家先七祖三魂上元玉女追傷亡癩癩癩  
盡痢瘴瘴亡魂中元玉女追无主勞瘵風  
灘亡魂下元玉女追瘟疫雷噴亡魂玉符  
玉女追驚弔刀刑自縊落水投火胎產厭  
穢亡魂龜臺素握玉女追毒藥厭魅呪詛  
刀兵劫掠王法禽獸所害亡魂九靈幽臺  
玉女追見禁罪魂正一延生六甲隱天靈  
符玉女疾速來臨承符宣德攝魄召魂又  
為上請丹天左衛大將軍五方啓道童子

十方道主者六道功曹三界追魂使者天  
洞天真清清冷冷尋魂攝魄對魂聚魂諸  
大將軍一合來下為臣攝召上件亡魂聚  
神復炁克返陽居升攝現形通靈入夢上  
彰道化下慰哀情受鍊摩符聞經聽法削  
罪書於北鬱紀真籍於南丹時刻外遷以  
為効信恩惟

大道分別求哀臣愚謹至再拜

以聞 空行接尾同前式

沐浴賢治章

具位臣某誠惶誠恐稽首頓首再拜  
上言臣塵泥漏品螻蟻微生冒膺宣德之  
班敢念度人之典威類有赫采聽是期臣  
謹據齊意臣職惟領教理難抑違謹消某  
月某日為始就某處肅建玄壇依按真科  
次第脩奉臣切慮上件亡魂幽閉鬱陰  
垢纏羅欲期容體之澄清必賴神泉之滌  
滌謹為拜章一通上聞  
三天伏望慈悲俯垂矜憫特降玉清道炁  
靈寶妙光泱灌蘭池輝華沐浴即俾亡過



其人洎九玄七祖德劫種親六道四生諸類  
 幽爽燭消氛翳紫滌形神內外洞明一塵不  
 染臣謹為上請東井玉女華池夫人沆濯玉  
 女沐浴君吏日月童子各一人五方解穢官  
 君將吏各一百二十人一合下降神化東井  
 黃華之池本三西田流汨之沼汲取石景黃華神  
 水五方正炁日月之英甘露金津雲腴玉醴  
 沐浴所度亡魂濯煉罪塵滌除障垢淨結節  
 胞胎之穢清寃煩惱之氛又為上請東方  
 青靈始老嘯飴以九炁之青津南方丹靈真  
 老嘯飴以三炁之丹華西方皓靈黃老嘯飴  
 以七炁之素漿北方五靈玄老嘯飴以五炁  
 之玄滋中央黃靈玄老嘯飴以一炁之黃英  
 定魄安魂自生五藏又為上請金剛百煉玉  
 液千和太白流光元皇散精解除鬱煩去滯  
 滓穢身心清淨智慧洞明又為上請天醫神  
 吏尚藥靈官三五功曹太醫博士砭石小吏  
 教藥靈官密運九轉芝英五色神藥布散經  
 絡藏腑之中救療生前榮衛之病即使上件  
 亡魂宿患清平沈疴痊愈精神復舊肢體潔

清受化更生以為教信恩惟  
 大道分別求哀臣愚謹至再拜  
 以聞臣空行結尾同前  
 溥度幽魂章  
 具位臣某誠惶誠恐稽首頓首再拜  
 上言臣忝列真階並禪玄化夫心領教勵  
 志度人濟千咫尺之威庸露億千之悃臣  
 謹據眷意臣職惟領教理難抑違謹消今  
 月某日為始就某處肅建玄壇次第脩奉  
 臣切見冥關幽路滯魄窮魂或水火漂焚  
 或兵戈謀害或木石損磕或挺刃刑傷或  
 久抱飢寒或曾遭鴆毒或寇盜殺戮或蛇  
 虎吞殘或王法凌遲或震雷噴擊或覆車  
 墜馬或自縊投河或他境流亡或從軍傾  
 斃或鬼神拘擊或冤對句連或瘡跛聾瘖  
 或瘴癘癰疽或胎產殞命或疾病夭傷或  
 宿抱怨嗟或常懷憂忿或玄恩未度或常  
 赦不原孤滯千名沈淪萬姓山林宇影郊  
 野潛形流浪無歸實堪哀恤惟黃錄昭示  
 漏泉之澤正陰關求哀望度之機臣雖稟

承玉符冒頒大赦尚慮功德未遍幽冥謹  
 遵無量度人之道取今月某日夜脩設玄  
 都大獻玉山淨供攝召九州十界六道四  
 生諸類傷亡無邊奕識享食受煉脫苦超  
 生自非大道之慈憐曷俾眾魂之解脫謹  
 為拜章一通上聞  
 三天伏望慈悲曲垂矜憫特降玉清道炁  
 靈寶妙光遍滿十方輝明九野上極无上  
 下極无下接引萬類均赴法筵滌罪解寃  
 煉形受化臣謹為上請玉清溟滓大梵靈  
 官青玄黃錄教芒靈官功曹玉童玉女各  
 三十二人仙吏一百人上詣  
 三天金闕玉陛下請降元皇慈悲吉祥甘  
 露膏持天慈救宥實播一合下降即為呪  
 洒甘露溥化斛筵周遍虛空無窮無盡嘯  
 飴眾爽充足豐盈隨感來款悉皆飽滿仰  
 承元始符命金錄白簡救苦真符長生靈  
 符太上生天寶錄東華青宮九龍符命寶  
 光羅絡拔度幽沈不分六道四生咸受黃  
 錄冶煉即使未度者度未生者生未外者

升未化者化合符膺券返陰還陽超凌人  
天以為効信恩惟  
大道分別求哀臣愚謹至再拜  
以聞

空行結尾同前

九煉生仙升度亡魂章

具位臣某誠惶誠恐稽首頓首再拜

上言臣道未通玄德難入妙屢為人而造  
請每拊己以凌兢仰藉汪涵俯加原貸臣  
謹據齋意臣職惟領教理難抑違謹消今  
月某日為始就其處肅建玄壇次第脩奉  
臣切慮上件亡魂陰暗久淪陽光易隔匪  
藉黃華而治煉曷令碧落以登真謹取某  
日夜遵依靈寶大法無量度人開廓五文  
奉行九煉先為拜章一通上聞

三天伏望慈悲俯垂矜憫特降玉清道炁  
靈寶妙光灌注才壇揮明洞耀即俾上件  
亡魂身沐靈光心滌陰穢水火煉質表裏  
周圍謹為上請南官度人不死尊神南極  
長生大君度世司馬大神好生韓君丈人

南上司命司錄延壽益算度厄尊神迴骸  
起死無量度人真君度魂上生南宮真君  
奉為亡故某人注算金文定名玉簡又為  
上請太乙救苦仙吏金闕化身仙吏朱陵  
度命仙吏道遙快樂仙吏寶華圓滿仙吏  
煉度玉司靈寶仙官玉童玉女將軍使者  
功曹主吏上詣

三天金闕玉陛下請降元始符命金籙白  
簡長生靈符內音玉字赤書真文上生黃  
籙寶誥下臨壇席奉為亡故某人破鄆都  
之穢濁蕩泉壤之陰幽削落業根焚燒罪  
籍飛度五戶斬割三尸建立法橋回旋雲  
界啓黃華之寶井立流火之神庭陶冶陽  
靈蕩除陰翳上登朱府下入開光復返萬  
神重生九炁披登天之法服駕蓮花之寶  
輿徑詣天門朝禮  
金闕道遙自在與道合真永無輪轉之憂  
常履熙明之運克臻升度早遂天人恩惟  
大道分別求哀臣愚謹至再拜  
以聞

空行結尾同前

鄆都赦罪章

具位臣某誠惶誠恐稽首頓首再拜

上言臣生居濁世運際昌期佩錄參玄傳  
經悟道誓度人而領教庶補過以立功凡  
有皈依敢忘關告臣謹據齋意臣切惟三  
官九署百二十曹六洞十宮三十六獄鐵  
圍無間泉曲河源五苦三途九幽五獄典  
司憲令考對愆尤愚俗衆生罔明正理造  
寃積業抱惡逞非致使名隸北鄆魂歸幽  
夜拘閉陰獄囚繫終天痛苦備嬰莫由解  
脫匪賴玄虛之曲赦曷令罪報之蠲除謹  
為拜章一道上聞

三天伏望大德好生至仁無外特降玉清  
道炁靈寶妙光朗映十方煥明三界冥關  
幽路照耀輝華地累罪魂應時清淨即俾  
上件亡魂出離夜壑快觀晨陽開發苦心  
自識宿命悔過進善脫苦超生臣謹為上  
請降真召靈符吏降真召靈童子各一人  
持為亡故某人恭請太極真符告下東極

天中長樂宮內大慈仁者尋聲赴感太乙救苦天尊希降威神慧光普照十方世界重陰極壘北都寒池一一獄中悉成陽境鐵城摧毀枷鎖脫除赦宥亡故某人萬罪蕩除冤仇和釋不經地獄覩見光明仰賴

天尊上聖召十方飛天神王救苦真人救苦童子青玄玉女遍下幽獄降慈悲之法雨洒甘露之寶漿即得冰雪生春炎煙息燄刀化玉樹劍化霧林寒冰泮冷頓除凜冽鑊湯銅柱悉獲清涼獄卒牛頭俱生善

念銅蛇鐵狗永斷惡緣曹局除罪考之名司業焚業報之字以至驅雷役電連汲瀆波負石擔沙天圓轉匝穿地引水運風掃山謫役囚徒均承妙化斷地連役度上南宮蒙如懇切之祈允拜提携之造恩惟

大道分別求哀臣愚謹至再拜

以聞

空行結尾同前

沐浴煉度章

具位臣其誠惶誠恐稽首頓首再拜

上言臣塵埃賤質草莽微生誤沐甄陶俾登階品望藉圓成之造敢忘報稱之私誓拯沈淪庶敦勳行臣謹據職惟領教理難抑連謹洎今月某日為始就某處肅建玄壇依按真科次第修奉臣切惟積夜重泉冥鄉幽路陰氛縈結業垢交羅衆生冤墮寒庭神歸夜壑昏靈混翳晦濁蒙維雖已頒告符章曲行攝召慮淪幽穢莫遂參朝自非沐浴於神泉曷俾形魂之蕩滌謹為拜章一通上聞

三天伏望大德好生至仁無外特降玉清道炁靈寶妙光洞映蘭池神化玄液即俾亡故某人澡身浴德蕩垢清塵洗衷衷之昏蒙除形神之熱惱朝真聽法度命升玄臣謹為上請五方五靈童子各五人解穢

君吏各一百二十人浣濯夫人黃華玉女

各一人應時下降取黃華神水煉尸素漿甘露金液雲腴玉醴灌注蘭湯之中沐浴亡故某人滌滌塵勞消除罪障五藏六腑悉得清涼九竅四肢俱成澄潔又為上請

主水主火大將軍石景水母流精玉女九光童子火鈴靈童青女煉魂應干真衆取南昌朱陵流火之庭東井黃華流潤之沼真水真火一合來下專為亡故某人煉洗穢氣陶澄累垢粧嚴受度克應升仙永證無為不經輪轉恩惟

大道分別求哀臣愚謹至再拜

以聞

空行結尾同前

升度亡魂章

具位臣其誠惶誠恐稽首頓首再拜

上言臣陋質何庸短材無取師恩赫奕幸親希微帝力輝華若為報効期廣揚於濟度克昭贊於生成臣謹據職惟領教理難抑連謹洎今月某日為始就某處肅建玄壇依按真科次第修奉臣切惟上

件亡魂久淪幽地不覩陽光自非度命以

返生曷俾超凌而自在謹為拜章一通上聞  
三天伏望大道好生至仁無外特降玉清



道炁靈寶妙光朗耀玄虛煥明壇墀即俾  
上件亡魂沐靈光而快樂乘煉度以逍遙  
謹為上請南昌上宮司命君司錄君延  
壽君益算君度厄君度人不死君南極長  
生君度世司馬君好生丈人君迴骸起死  
無量度人君升度亡過某人定算玉簡註  
名金文又為上請司馬大神監生大神衛  
房聖母洞陽童子煉度亡故某人先入黃  
華寶井次入流火神庭濯質蕩形除陰煉  
穢抱九天之真炁灌五帝之靈芒氣象周  
圓形神完復飈車碧落羽駕太清升入天  
門佩符合券永無輪轉常獲逍遙受化更  
生以為効信恩惟  
大道分別求哀臣愚謹至再拜  
以聞

空行結尾同前

遷拔亡靈章

具位臣某誠惶誠恐稽首頓首再拜  
上言臣福基夙挺昌運欣逢佩錄進階傳  
經受道各慚蹇澁莫悟希夷過有貫盈功

無纒積倘沐生成之澤俾司濟度之科益  
勉操脩庸期報稱敬奉詞悃所合奏聞臣  
謹據齊君臣職惟領教理難抑違謹消今  
月某日為始就某處肅建玄壇依按真科  
次第修奉臣切惟三官九府六洞十宮泉  
曲河源北臣鄂東嶽考校善惡毫髮無差濁  
世衆生罔知修飾六根三業五慾六情流  
浪顛冥馳騁不息致使魂歸幽府神返陰  
關冤仇繫繫臣局推對悠悠長夜深可矜  
憐自非上聖推惻隱之仁曷俾下愚免沉  
淪之苦謹為拜章一通上聞  
三天伏望道德曲成慈悲不冒特降玉清  
道炁靈寶妙光照耀躋單煥明澤壘即使  
亡故某人親此靈輝自識宿命捨惡趨善  
脫苦更生臣謹為上請太上十二陽門開  
光童子一十二人天道功曹一人九天雲  
路正一功曹九人南昌上宮扶接引送神  
童玉女各一百一十人手執太上遷神符  
命開導靈播接引所薦亡魂蒙陽光之下  
燭指雲路以上外道遙太空永無輪墜恩

惟  
大道分別求哀臣愚謹至再拜

以聞

空行結尾同前

蕩滌血湖章

具位臣某誠惶誠恐稽首頓首再拜

上言臣塵泥賤類草莽微生誤玷班聯濫  
司濟度莫報生成之德誓宣化育之仁凡  
有皈依敢忘關告臣謹據齊君臣切念亡  
故某人三生四負多積冤愆六慾七情易  
招蒙咎命罹產厄神墮幽關北鄂東岱之  
曹紀錄姓字硤石血湖之獄考掠形魂抱  
痛終天無由解脫爰念稟生之本始孰非  
祖氣之分靈妄業自招實堪矜憫帝恩無  
外諒賜哀矜謹為拜章一通上聞  
三天伏望垂惠重泉曲如省覽特降玉清  
道炁靈寶妙光洞映十方照燭長夜變陰  
暗為陽明之境化血湖為清淨之場令諸  
罪人自識宿命捨惡從善脫苦超生臣謹  
為上請三炁流光符吏蕩滌血湖符吏各



一人官將各二十四人上詣

三天金闕玉陛下請降三炁流光真符玉元蕩滌血湖真符告下北都羅鄴大鐵圍山破石無間血湖地獄即真符光朗耀陰壤開明原赦亡故其人洎見禁經產身亡

未得出離者並與疾除罪薄落滅惡根解釋冤仇開通性識承今符命獲脫冥途來詣玄壇聞經聽法全形復質隨果受生又念淪染血腥形穢濁來朝三寶難近天光謹為上請五方五帝解穢君吏各一人

玉女使者各二十四人九鳳破穢大將軍滌穢大將軍洗穢大將軍滅穢大將軍各一人官將各二十四人沐浴東井君一人官將二十四人浣濯夫人黃華玉女各一人仙花玉女一百二十人一合來下為取黃華神水煉尸素漿甘露金津雲腴玉醴灌注蘭湯之內沐浴亡故其人洗除產厭蕩滌穢腥俾令內外光明形神潔淨振塵業垢並與澄清又念亡故其人論謝之初自膺痛毒榮衛傷瘁未遂安痊謹為上請

天醫神吏尚藥靈官治病功曹太醫博士各一人一合來下密運神聖工乃餌以日精月華玉芝金醴五色神丹救療諸苦庶得陰陽通暢血炁和平經絡還元魂神澄正朝真受度托化人天永無淪墜之憂自在光明之界更願靈光焯焯惠澤周流業海澄波血湖息浪人民品物並受生成舒化日於三途播仁風於八極恩惟大道分別求哀臣愚謹至再拜以聞

空行結尾同前

滅度煉尸生仙章

具位臣某誠惶誠恐稽首頓首再拜

上言臣幸藉宿因濫禪妙化誓廣宣於濟度庸上贊於生成過有淵陵功無毫髮尚祈恩霽俯賜包荒臣伏為先師某人元命臣存日佩臣經受臣錄奉臣法補充臣職係臣靖焚脩末學道淺仙品未充莫能背土凌空飛騰霄漢運應滅度以其年月日身經太陰享年幾歲已准三洞仙度品格

衣服枕蓆遍篆靈章術其尸形又准滅度五煉生尸實經玉宇真文安鎮五方護其神識揀吉遷葬寄形土官尤慮生存之日功德未周恐阻超邁遂下今月某日謹就某處崇建靈寶滅度五煉生尸妙齋二晝夜期將先師某人扶接引送返形受生游行太空臣事金闕臣義同父子志劇悲惶恭按真科次第修奉臣切惟三官九署百二十曹四極明科三品洞律昭如日月咸若雷霆學道參真易招罪戾未經赦宥必墮幽鄉轉眼畏途惟增駭汗今先師某人生逢昌運佩奉玄元未明修真御景之方徒抱濟人利物之志元臘節會禁戒多違經錄法階朝真有缺重以飛章進表每瀆仙真設醮建齋或干神吏致使玄曹畢錄黑簿登書陽過未原陰愆莫逭倏忽厭世遽受沈寥自非大道廣運於慈悲曷俾後學疾躋於冲躡謹為拜章一通上聞三天伏望上聖垂仁至真矜憫特降玉清道炁靈寶妙光下覆先師某魂魄尸形削

落愆尤解除考訟隨光御炁徑上虛无仍  
乞告下十方三界一切真司特為赦原宿  
生今世三業六情泊學道以來无邊過咎  
並從寬釋移名紫籍受化更生臣謹為上  
請靈寶落滅惡道靈官三人官將各一百

二十人三十一斷絕地根靈官四人官將各一百

二十人飛度累戶靈官五人官將各一百

二十人一合下降為先師其落滅三惡斬  
絕地根飛度五戶名列太玄乘景外神上  
登无極若先師其魂魄淪陸三途五苦六

天九幽者即為度脫高外上境又為上請  
玄都金龍驛吏一十二人東華青官九龍

符命使者天道功曹一人十方飛天使者  
十人官將各一百二十人上詣

三天金闕玉陛下請降元始符命金籙白

簡長生靈符東華青官九龍符命登真度  
命出離生死真符南昌上官寶誥告下三

官九署五帝四司無執陰治若先師緣公  
私罪犯未得解釋者願乘此仙度功德悉  
為赦除若因三曾九祖億劫種親宿對罪

緣結靈幽冥者願為錄錄生前建善之功  
速為解宥即冀改易罪籍定名玉簡遷神  
度品高步天衢又為上請九天三十二天  
五老上帝諸天省府北斗南辰日月五星  
天曹真衆各降真炁接引先師其蕩滌愆

瑕進升道境復還治職炁入玄玄登品成

真永无輪轉更願先師其所屬其嶽其山  
真靈正神符下九土地官各依部界營衛

尸形灾害消除塚墓寧靜形安神守魄不  
敢揚持節契符重甦骨肉形與神合游宴

騰凌得為神仙一如五煉生尸經旨奉  
玄恩以為効信恩惟

大道分別求哀臣愚謹至再拜  
以聞

空行結尾同前

外度仙童章

具位臣某誠惶誠恐稽首頓首再拜

上言臣綴武班聯監司濟度切恩逾分拊  
已知元誓弘洞輔之仁密贊生成之德尚  
祈洪造俯監丹忱臣謹據齋意臣職惟領

教理難抑違切念其人幸藉風緣叨承玄  
陰佩籙奉法受經學真易涉塵寰未明微  
妙建齋設醮每冒威儀拜表上章實乖俯  
仰破齋犯戒縱業逞情常失天和多循人  
愆三元五臟莫謹朝真甲子庚申曾无懺

謝過書黑簿名錄玄曹未能坐脫立忘外

神御炁運應滅度身經太陰莫測外沈條  
經旬朔孝子臣情鍾父子志劇悲惶弟

子云臣義均師友志劇悲惶自非上聖垂  
慈高真乎佑俯矜愚昧力賜憐憫何以洗

浣前愆導迎新貺庸是不揆狂斐謹為拜  
章一通上聞

三天伏望大慈曲成至仁無外特降勅命  
行下十方三界合屬去處將其人浩劫以

來稟生之後應有過犯並與赦除即俾定

錄青官移名朱府形神混合氣象周圍隨  
我學功校勲還實復還治職炁入玄玄克

為聖君金闕之臣大揚聖化緣運不絕身  
得神仙道遙上清永无輪轉恩惟  
大道分別求哀臣愚謹至再拜

以聞

空行結尾同前

斷絕伏連章

具位臣某誠惶誠恐稽首頓首再拜

上言臣性識迂愚資材短陋綴班聯而領

教誓濟度以推仁凡有飯投敢忘關奏

謹據齋意臣切見上件亡魂涉生以來造

業縱情罔知檢戒厭世之後積愆抱累自

致沈淪流曳三途顛運五苦惟思執滯豈

念超凌春屬姻親俱罹傳染家門大小積

致傾亡求替代以莫能遂伏連而无已如

斯陷溺實可矜傷自非玄造之拯提曷俾

下愚之安泰謹為拜章一通上聞

三天伏望隆慈曲加哀憫特降玉清道炁

靈寶妙光照燭重哀輝明夜壘即俾亡故

某人開通正念悔悟宿因醒覺前非自求

外邁免致延累永斷復連臣謹為上請石

安君都星君誅殃君都平君朔平君天玄

君石仙君高都君斷群君回化君十人天

醫博士善談大夫各一人官將各一百二

十人除殃君天昌君无上高倉君中官左

都候君各一人兵士各一萬人素車白馬

君一人吏兵十萬人參星將軍太白兵星

榮感吏鐵面致健食鬼力士天騶甲卒吏

兵官將一合來下為齋主某化諭先亡公

解塚訟除諸執著斷絕伏連又為上請斷

炁大將軍斷尸大將軍各一人官將兵士十

萬人九天補炁將甘露將護命將各一人

官將各三十二人一合來下保護未來病

苦斷除先亡伏連即令某人形魂利安塚

墓寧靜微呼塚訟自在斷除釋罪登真永

超幽暗齋主某人洎內外眷屬合門姻親

快樂逍遙竟離傳染精神安泰榮衛和平

富壽康寧以為効信恩惟

大道分別求哀臣愚謹至再拜

以聞

空行結尾同前

啓告玄穹章

具位臣某誠惶誠恐稽首頓首再拜

上言臣濫承玄貺叨領真班仰荷甄陶俯

深銜戴期暢生生之厚澤廣祥化化之深

仁控告既勤開闢敢後謹據齋意臣切

慮建壇之所劫灰以來陰濁混疑游氣四

塞塵霾流伏昏垢飛揚非由解被之功曷

爾玄真之奉重以故罔糾雜人物紛葩宜

解滌除庶全清淨謹為拜章一通上聞

三天伏望大慈曲施玄化特降玉清道炁

靈寶妙光上煥雲霄下輝風壘十華八極

罔不洞明即俾所建齋壇灌沐靈光一塵

不立內外融潔寶芝自生臣謹為上請五

方五帝解穢君各一人官將一百二十人

捧持五和香泉真精法水一合下降浣灌

靈壇解除厭穢仙花玉女一千二百人九

鳳破穢錄中運穢解穢收穢却穢除穢斷

穢洗穢蕩穢諸大將軍各一人官將各一

百二十八人五方五龍主水使者一合下降

蕩滌內外建齋應辦器用室廬悉獲澄清

更無厭滓又為上請降真召靈符吏降真

召靈童子各一人齋持玉清高上仙王降

真符命元皇召靈符命宣告三界肅命十



方策役千靈關盟萬聖護持壇律糾正齋  
功由始及終迄無障撓更希勅旨行下玄  
壇受命靈寶仙曹省府院司官君將吏從  
請降共贊洪釐庶使齋主某善果周圓  
嘉祥密被承恩今日流慶他生散壇言功

不負効信思惟

大道分別求哀臣愚謹至再拜

以聞

空行結尾同前

太上三洞表文

主

太上三洞表文

澄四

九天尊鍊度表

具位臣姓某誠惶誠恐稽首頓首再拜

上言臣聞大道分元初演不言之教天尊布

化漸垂有作之文普度群生總包萬法臣誠

惶誠恐稽首頓首伏念臣猥以凡陋冒忝仙

階稟奉教科遵行妙典開始青之元範敦洞

玄之寶章誓度死以為心盟濟生而是願既

沐投詞之切輒伸懇禱之私臣謹據入意臣

祇按玄文恭行鍊度匪賴

高真慈佑何由普濟沈淪爰避悃忱僭干

天聽恭惟

太一救苦天尊玉陛下至聖至仁極慈極愛

乘九師之仙馭散百寶之祥光接引浮生不

違本誓伏乞真符告下

惠澤遐霑洒甘露於火山化成清暑扇神風

於劍樹變作鸞林使茲受鍊之魂升彼洞陽

之館證真仙品增福人天旁資六道之孤魂

盡脫三塗之苦趣上祈洪造下副毋哀臣无

任瞻天望聖激切屏營之至謹奉表上進以

聞臣誠惶誠恐稽首頓首再拜謹言

年 月 日具位臣姓某表奏

後八表首尾同前只易中殿

恭惟

十方救苦天尊玉陛下威神宏遠智慧圓通

應一念而拯拔重泉滿十方而提携陰爽四

生兼惠六道銜恩伏乞持軫洪慈廣宣仁澤

奏聞

元始上帝差降太一玉郎開紫陽玉笈之書

出鳳雉龍文之策普施一切廣度无邊法雨

霑濡俾罪愆而消釋祥煙藉爵使寬對以休

停俱乘鍊度之功克證逍遙之趣

恭惟

九幽拔罪天尊玉陛下鍊真上景拔苦下象

救无礙之神光照大千之世界玄恩廣覆昧

冥咸甦伏乞頒降玉符開鐵城而拔罪焚除

黑簿滅火醫以停酸即使亡者萬惡俱消六

根清淨影脫九陰之域魂登三炁之天水離

迷途咸躋生路

恭惟